



Upphaf annar

Nú er vorönnin komin vel af stað og skólalald komið í eðlilegt horf. Samhliða fyrstu dögum annarinnar voru haldin endurtektarpróf fyrir þá nemendur sem misstigu sig í lokaprófunum um jólin. Það má fylgja með að nemendur stóðu sig yfirleitt vel á þessum prófum því um 78% úrlausna skiludu nemendum fullnaðareinkunn í áfanganum.

Þeir sem ekki náðu þurfa að endurtaka áfangann í fjarnámi, sbr. [reglur um námsmat, próf og verkefni](#). Nemendur verða að skrá sig sjálfir í þá áfanga sem þeir þurfa að endurtaka á heimasíðu fjarnámsins, <http://www.verslo.is/fjarnam/umsokn/>. Skráningu í fjarnámið lýkur 26. janúar og kennsla hefst þriðjudaginn 27. janúar. Að gefnu tilefni er rétt að vekja athygli á reglu 5.2, sem nemendur horfa gjarnan til eftir próf og vilja komast hjá því að endurtaka áfanga í fjarnámi. Áður hefur verið fjallað um þessa reglu og mögulegar afleiðingar hennar, sjá 7. tbl. Vefrísins 2. árg.

Á vorönninni nær félagslífið hápunktum sínum með Nemendamótinu og útgáfu Verzlunarskólalábsins. Þetta eru því annasamir tímar hjá mörgum nemendum og töluverð ábyrgð á herðum þeirra sem hafa valist til forystu. Það er því mikilvægt að þeir skipuleggi tíma sinn vel og láti ávallt námið hafa forgang. Foreldrar nemenda í 3. og 4. bekk eru að vanda hvattir til þess að fylgjast vel með mætingu og námsframvindu barna sinna. Rétt er að benda foreldrum þeirra sem náð hafa 18 ára aldri á að nemendur geta sjálfir stillt heimasvæði sitt þannig að foreldraaðgangur verði virkur.

Foreldraviðtöl

Fimmtudaginn 29. janúar n.k. verður foreldrum og forráðamönnum 3. og 4. bekkinga boðið að koma í viðtöl hjá umsjónarkennurum. Áætlað er að hvert viðtöl taki ekki lengri tíma en 10 mín. og verður foreldrum boðið að koma á milli 12:50 og 18:00. Nemendur í 3. og 4. bekk fara heim með bréf þar sem útskýrt er hvernig hægt er að skrá sig á ákveðna tíma til að forðast biðraðir, sjá [hér](#). Viðtölin fara í flestum tilfellum fram í heimastofum bekkja á 3. og 4. hæð skólans og því gott að mæta tímanlega til að finna rétta stofu. Námsráðgjafar verða á skrifstofum sínum og veita þar viðtöl og taka við fyrirspurnum. Skólastjórnendur og deildarstjórar verða til

taks í húsinu fram eftir degi. Ef einhverjar spurningar vakna hafið þá samband við nemendaþjónustuna.



Stafsetning í 3. bekk


Skólinn leggur áherslu á að nemendur skólans hafi góð tök á réttitrun og fái stuðning til þess að bæta sig ef á þarf að halda. Nemendur á fyrsta ári sem ekki náðu 4,5 í stafsetningu á jólaþrófi eru nú skráðir í sérstakan stafsetningaráfanga í fjarnámsumhverfinu. Þessi áfangi, STA101, er nemendum að kostnaðarlausu en til þess er ætlast að nemendur sýni metnað í verki og vinni vel í áfanganum



enda gefur hann einingu. Foreldrar og forráðamenn eru hvattir til þess að ræða við börn sín um mikilvægi þess að stafsetja rétt og kosti þess að nýta þá aðstoð sem skólinn býður upp á. Auk þess að hafa aðgang að fjarnámsumhverfinu hitta nemendur kennara sinn reglulega og er þá farið nánar í reglur og æfingar. Standist nemandi ekki áfangann hefur það ekki frekari áhrif á námsframvindu hans.

Stoðtímar í stærðfræði

Stoðtímar í stærðfræði byrja strax í vikunni eftir Nemendamótið og verða á mánudögum frá klukkan 15:40 til 17:00.



Próflok í maí

Við höfum fengið töluvert af fyrirspurnum um væntanleg próflok í maí. Ekki hefur verið gengið endanlega frá próftöflu en gera má ráð fyrir að síðasti prófdagur verði miðvikudaginn 12. maí og sjúkrapróf föstudaginn 15. maí.

May

Sunday	Monday	Tuesday	Wednesday	Thursday	Friday	Saturday
	27	28	29	30	1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31	1	2	3	4	5	6

Skíðaferð

Árleg skíðaferð til Akureyrar verður farin 27. febrúar. Eins og áður er ferðin skipulögð af íþróttanefnd nemendafélagsins og verður gíst í KA heimilinu. Þrír starfsmenn munu einnig verða með í för og er ferðin er áfengislaus með öllu. Nánari upplýsingar munu berast síðar.

